



**საქართველო. ახმეტის მუნიციპალიტეტის  
საკრებულო**



0900 ქ. ახმეტა ჩოლოფაშვილის ქ N49 Tel:+995 349 22 22 99; +995 349 22 15 46  
ელ-ფოსტა:akhmeta.sakrebuli@gmail.com

**05 / თებერვალი / 2018 წ.**

**№ 13**

**დადგენილება**

„ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის №30 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, ახმეტის მუნიციპალიტეტის საკრებულო ადგენს:

**მუხლი 1**

„ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის № 30 დადგენილებაში ([www.matsne.gov.ge](http://www.matsne.gov.ge), 05.01.2018, 010250020.35.162.016417) შეტანილ იქნეს შემდეგი სახის ცვლილებები:

1. მერიის დებულების პირველი მუხლის მე-2 პუნქტი ჩამოყალიბდეს შემდეგი რედაქციით:

„2. მერია შედგება სტრუქტურული ერთეულებისაგან.“

2. მერიის დებულების მე-11 მუხლის პირველი პუნქტი ჩამოყალიბდეს შემდეგი რედაქციით:

„1. მერია შედგება სტრუქტურული ერთეულებისაგან.“

3. მერიის დებულების მე-18 მუხლის მე-2 პუნქტის „ვ“ ქვეპუნქტი ჩამოყალიბდეს შემდეგი რედაქციით:

„ვ) დადგენილი წესით ისარგებლოს შვებულებით პროფესიული განვითარებისათვის;“

4. მერიის დებულების მე-6 თავის სათაური ჩამოყალიბდეს შემდეგი რედაქციით:

„თავი VI

მერიის მოხელეების თანამდებობაზე დანიშვნა-გათავისუფლება და კარიერული განვითარება“

5. მერიის დებულების 22-ე მუხლის მე-3 პუნქტი ამოღებულ იქნეს

6. მერიის დებულების 25-ე მუხლის პირველი პუნქტის „ა“ ქვეპუნქტი ჩამოყლიბდეს შემდეგი რედაქციით:

„ა) მერის/მერიის უფლებამოსილება, შეიმუშაოს სამართლებრივი აქტების პროექტები და დასამტკიცებლად წარუდგინოს საკრებულოს;“

7. მერიის დებულების 34-ე მუხლის მე-2 პუნქტის ჩამოყლიბდეს შემდეგი რედაქციით:

„2. საქართველოს კანონით „საქართველოს ზოგადი ადმინისტრაციული კოდექსი“განსაზღვრული წესით საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულად გამოქვეყნებაზე პასუხისმგებელი საჯარო მოსამსახურე განისაზღვრება მერის ბრძანებით.“

8. მერიის დებულების 37-ე მუხლის მე-3 პუნქტის ჩამოყლიბდეს შემდეგი რედაქციით:

„3. მუნიციპალიტეტის მერიის თანამდებობის პირთა ადმინისტრაციულ-სამართლებრივი აქტები, გარდა საჯარო ადმინისტრაციული წარმოებით გამოცემული ინდივიდუალური სამართლებრივი აქტებისა და იმ ბრძანებებისა, რომლებიც შეეხება 50-ზე მეტი პირის უფლება-მოვალეობებს, ძალაშია დადგენილი წესით გაცნობისთანავე.“

9. მერიის დებულების 42-ე მუხლის სათაური ჩამოყალიბდეს შემდეგი რედაქციით:

„მუხლი 42. მოხელის შრომის ანაზღაურება“

10. მერიის დებულების 42-ე მუხლის მე-2, მე-3, მე-4 და მე-5 პუნქტები ჩამოყალიბდეს შემდეგი რედაქციით:

„2. მოხელეს უფლება აქვს, სამსახურში მიღების დღიდან სამსახურიდან გათავისუფლების დღემდე მიიღოს შრომის ანაზღაურება.“

3. მოხელის შრომის ანაზღაურება. მოიცავს თანამდებობრივ სარგოს და „საჯარო სამსახურის შესახებ“ კანონით გათვალისწინებულ დანამატს.

4. მოხელეთა შრომის ანაზღაურების ფონდის ფორმირების წყაროა შესაბამისი ბიუჯეტი. საბიუჯეტო ასიგნებათა შემცირება არ შეიძლება იყოს მოხელის თანამდებობრივი სარგოს შემცირების საფუძველი.


5. შრომის ანაზღაურება მოხელეს ეძლევა უნაღდო ანგარიშსწორების ფორმით.“

11. მერიის დებულების 43-ე მუხლის მე-2 პუნქტი ამოღებულ იქნეს.

12. მერიის დებულების 44-ე მუხლი ამოღებულ იქნეს.

## მუხლი 2

დაფინანსება ამოქვეყნებისთანავე და მისი მოქმედება გავრცელდეს 2018 წლის 1 თებერვლიდან წარმოშობილ სამართლებრივ ურთიერთობებზე.



ახმეტის მუნიციპალიტეტის საკრებულოს  
თავმჯდომარე

07

თამარ ყეინიშვილი

## განმარტებითი ბარათი

„ახმეტის მუნიციპალიტეტის მერიის დებულების დამტკიცების შესახებ“ ახმეტის მუნიციპალიტეტის საკრებულოს 2017 წლის 28 დეკემბრის №30 დადგენილებაში ცვლილების შეტანის თაობაზე

ა) ზოგადი ინფორმაცია ნორმატიული აქტის პროექტის შესახებ:

ა.ა) ნორმატიული აქტის პროექტის მიღების მიზეზი:

ნორმატიული აქტის პროექტის მიღების საჭიროება გამოწვეულია მერიის დებულების ფრაზების და ტერმინების საქართველოს ორგანული კანონთან „ადგილობრივი თვითმმართველობის კოდექსი“, „საჯარო სამსახურის შესახებ“ და „საჯარო სამსახურში შრომის ანაზღაურების შესახებ“ საქართველოს კანონებთან შესაბამისობაში მოყვანის აუცილებლობით.

ა.ბ) ნორმატიული აქტის პროექტის მიზანი

ნორმატიული აქტის პროექტის მიღების მიზანს წარმოადგენს საკრებულოს დადგენილების საქართველოს კანონმდებლობასთან სრულ შესაბამისობაში მოყვანა.

ა.გ) ნორმატიული აქტის პროექტის ძირითადი არსი:

პროექტის მიხედვით:

1. „ადგილობრივი თვითმმართველობის კოდექსი“-ს 50-ე მუხლის მიხედვით ჩამოყალიბდა და დებულების პირველი მუხლის მე-2 პუნქტში, მე-11 მუხლის 1 პუნქტში ერთნაირად განისაზღვრა ტერმინი „მერია შედგება სტრუქტურული ერთეულებისაგან“;
2. დებულების მე-18 მუხლის მე-2 პუნქტის „ვ“ ქვეპუნქტში ფრაზა „სასწავლო შვებულება“ ჩასწორდა ფრაზით „შვებულება პროფესიული განვითარებისათვის“;
3. დებულების მე-6 თავის სათაურში ფრაზა „კარიერის გავლა“ ჩასწორდა ფრაზით „კარიერული განვითარება“;
4. ამოღებულ იქნა 22-ე მუხლის მე 3 პუნქტი;
5. 25-ე მუხლის 1 პუნქტის „ა“ ქვეპუნქტში ფრაზა „ვალდებულია: შეიცვალა ფრაზით „უფლებამოსილია“;
6. 37-ე მუხლის მე-3 პუნქტში ჩაემატა ფრაზა „თანამდებობის პირების“;
7. დარედაქტირდა 34-ე მუხლის მე-2 პუნქტი, კერძოდ, ფრაზა „გაცემაზე პასუხისმგებელი პირი, შეიცვალა ფრაზით ხელმისაწვდომობის უზრუნველყოფასა და ინფორმაციის პროაქტიულად გამოქვეყნებაზე პასუხისმგებელი საჯარო მოსამსახურე“;
8. 42-ე მუხლში ფრაზა შრომითი გასამრჯელო შეიცვალა ფრაზით „შრომის ანაზღაურება“;

ბ) ნორმატიული აქტის პროექტის ფინანსური დასაბუთება

ბ.ა) ნორმატიული აქტის პროექტის მიღება არ გამოიწვევს დამატებითი ხარჯების გაღებას ახმეტის მუნიციპალიტეტის ბიუჯეტიდან.

ბ.ბ) ნორმატიული აქტის პროექტის გავლენა ბიუჯეტის საშემოსავლო ნაწილზე

ნორმატიული აქტის პროექტის მიღება არ მოახდენს გავლენას ახმეტის მუნიციპალიტეტის 2018 წლის ბიუჯეტის საშემოსავლო ნაწილზე.

ბ.გ) ნორმატიული აქტის პროექტის გავლენა ბიუჯეტის ხარჯვით ნაწილზე

ნორმატიული აქტის პროექტის მიღება გავლენას იქონიებს ახმეტის მუნიციპალიტეტის 2018 წლის ბიუჯეტის ხარჯვით ნაწილზე.

გ) ნორმატიული აქტის პროექტის ავტორი და ინიციატორი

გ.ა) ნორმატიული აქტის პროექტის ავტორია ახმეტის მუნიციპალიტეტის მერია.